

ARTIGO 6º.—BENEFICIOS FISCAIS.

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

ARTIGO 7º.—PERÍODO IMPOSITIVO E DEVENGO.

O período impositivo coincidirá co cuadrimestre natural. A taxa devéngase o primeiro día do período impositivo, salvo nos casos de alta, que se producirá no momento da citada alta.

As cotas serán irredutibles polo período sinalado, ademais de no suposto de novas altas, no caso de cese do aproveitamento especial.

ARTIGO 8º.—NORMAS DE XESTIÓN.

- As persoas ou entidades interesadas na autorización para realízalos aproveitamentos sobre o dominio público municipal a que fai referencia esta taxa, deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. No mesmo acto de presentación da solicitude o suxeito pasivo deberá autoliquidar a taxa correspondente, segundo as tarifas fixadas no artigo 5º da presente ordenanza fiscal e utilizando o modelo establecido para tal fin.

Tramitado o expediente e previamente ó outorgamento da licenza, practicarase a liquidación tributaria correspondente, confirmando a autoliquidación practicada polo suxeito pasivo ou xerando unha liquidación complementaria se esta fora maior que a autoliquidada no seu día ou procedendo á devolución de ingresos nos supostos que fora menor.

Se a resolución administrativa fora denegatoria da pretensión formulada por causas non imputables ó suxeito pasivo, procederase á devolución do importe autoliquidado, seguíndose o trámite de devolución de ingresos indebidos.

- As declaracións de alta producirán a incorporación dos suxeitos pasivos no padrón do período impositivo seguinte.
- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no cuadrimestre seguinte ó de presentación da mesma. A non presentación da baixa determinará a obriga de continuar aboando a taxa.

ARTIGO 9º.—INFRACCIÓNS E SANCIONES.

Nesta materia estarase ó disposto na Lei Xeral Tributaria e normativa de desenvolvemento.

DISPOSICIÓN FINAL.

A modificación da presente Ordenanza Fiscal, unha vez publicada integramente no Boletín Oficial da Provincia, entrará en vigor o 1 de xaneiro de 2014, permanecendo en vigor ata a súa modificación ou derogación expresa.

9º.—ORDENANZA FISCAL REGULADORA DA TAXA POR INSTALACIÓN DE ANUNCIOS OCUPANDO TERREOS DE DOMINIO PUBLICO LOCAL, OU POR ANUNCIOS EN VEHÍCULOS APARCADOS OU EN RODAXE POLAS VÍAS MUNICIPAIS.**ARTIGO 1º.—NATUREZA E FUNDAMENTO.**

O Pleno do Concello, no uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do Réxime Local, e polos artigos 15 a 19 e 57 do Real Decreto Lexislativo 2/2004 de 5 de marzo, polo que se aproba o texto refundido da Lei Reguladora das Facendas Locais, acorda a imposición e ordenación da Taxa pola instalación de anuncios ocupando terreos de dominio público municipal, ou por anuncios en vehículos aparcados ou en rodaxe polas vías municipais.

ARTIGO 2º.—FEITO IMPOÑIBLE.

Constitúe o feito imponible da Taxa a utilización privativa ou aproveitamento especial do dominio público municipal polos conceptos que se sinalan no título da taxa.

ARTIGO 3º.—SUXEITOS PASIVOS.

Serán suxeitos pasivos desta taxa as persoas físicas ou xurídicas e as entidades ás que se refire o artigo 35.4 da Lei Xeral Tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no feito imponible

ARTIGO 4º.—RESPONSABLES.

Serán responsables solidarios e subsidiarios das obrigas tributarias dos suxeitos pasivos as persoas físicas e xurídicas ás que se refiren os artigos 42 e 43 da Lei Xeral Tributaria.

ARTIGO 5º.—COTA TRIBUTARIA.

A contía da taxa será a resultante da aplicación das tarifas contidas neste artigo.

TARIFA

CONCEPTO

Carteis ou anuncios s/soportes ocupando terreos de dominio público local:	
Por m ² ou fracción/ cuadrimestre	15,00 €
Carteis ou anuncios en vehículos aparcados. Por m ² ou fracción/día	10,00 €
Carteis, anuncios, megafonía en vehículos en rodaxe polas rúas municipais. Por día	29,70 €

ARTIGO 6º.—BENEFICIOS FISCAIS.

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

ARTIGO 7º.—PERÍODO IMPOSITIVO E DEVENGO.

No caso de carteis ou anuncios sobre soportes ocupando terreos de dominio público local, o período impositivo coincidirá co cuadrimestre natural. A taxa devéngase o primeiro día do período impositivo, salvo nos casos de alta, que se producirá no momento da citada alta.

As cotas serán irredutibles polo período sinalado, ademais de no suposto de novas altas, no caso de cese do aproveitamento especial.

Si se trata de anuncios en vehículos aparcados ou en rodaxe polas rúas municipais o período impositivo será por día. O devengo da taxa prodúcese no momento de solicitarse a correspondente licenza.

ARTIGO 8º.—NORMAS DE XESTIÓN.

- As persoas ou entidades interesadas na autorización para realizalos aproveitamentos sobre o dominio público municipal a que fai referencia esta taxa, deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. No mesmo acto de presentación da solicitude deberá o suxeito pasivo autoliquidar a taxa correspondente, segundo as tarifas fixadas no artigo 5º da presente ordenanza fiscal e utilizando o modelo establecido para tal fin.

Tramitado o expediente e previamente ó outorgamento da licenza, practicarase a liquidación tributaria correspondente, confirmando a autoliquidación practicada polo suxeito pasivo ou xerando unha liquidación complementaria se esta fora maior que a autoliquidada no seu día ou procedendo á devolución de ingresos nos supostos que fora menor.



Se a resolución administrativa fora denegatoria da pretensión formulada por causas non imputables ó suxeito pasivo, procederáse á devolución do importe autoliquidado, seguíndose o trámite de devolución de ingresos indebidos.

- Unha vez autorizado o aproveitamento, no suposto de carteis sobre soportes ocupando terreos de dominio público, entenderase prorrogado mentres que o interesado non presente a declaración de baixa.
- As declaracións de alta producirán a incorporación dos suxeitos pasivos no padrón do período impositivo seguinte.
- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirán efectos no cuadrimestre seguinte ó de presentación da mesma. A non presentación da baixa determinará a obriga de continuar aboando a taxa.

ARTIGO 9º.—INFRACCIÓN E SANCIÓN.

Nesta materia estarase ó disposto na Lei Xeral Tributaria e normativa de desenvolvemento.

DISPOSICIÓN FINAL.

A modificación da presente Ordenanza Fiscal, unha vez publicada integramente no Boletín Oficial da Provincia, entrará en vigor o 1 de xaneiro de 2014, permanecendo en vigor ata a súa modificación ou derogación expresa.

10º.—ORDENANZA REGULADORA DA TAXA POR OUTORGAMENTO DE LICENCIAS OU AUTORIZACIÓNS ADMINISTRATIVAS DE AUTO-TAXIS E DEMÁIS VEHÍCULOS DE ALUGUER.

ARTIGO 1º.—FUNDAMENTO E NATUREZA.

O Pleno do Concello, no uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das bases do Réxime Local, e polos artigos 15 a 19 e 57 do Real Decreto Legislativo 2/2004 de 5 de marzo, polo que se aproba o texto refundido da Lei Reguladora das Facendas Locais, acorda a imposición e ordenación da taxa por licenza de autotaxis e demais vehículos de aluguer, que se rexerá pola presente Ordenanza fiscal.

ARTIGO 2º.—FEITO IMPOÑIBLE.

Constitúen o feito impoñible desta taxa a prestación dos servizos e a realización das actividades que, en relación coas licencias de autotaxis e demais vehículos de aluguer, se sinalan a continuación:

- a) Concesión e expedición de licencias.
- b) Autorización para transmisión de licencias, cando proceda o seu outorgamento, con arranxo á lexislación vixente.
- c) Autorización para substitución dos vehículos afectos ás licencias, ben sexa este cambio de tipo voluntario ou por imposición legal.
- d) Revisión anual ordinaria dos vehículos e revisión extraordinaria a instancia de parte.

ARTIGO 3º.—SUXEITO PASIVO.

Teñen obriga do pago da taxa en concepto de suxeitos pasivos contribuíntes as persoas físicas e xurídicas e as entidades, a que se refire o artigo 35.4 da Lei Xeral Tributaria, seguintes:

- 1.— A persoa ou entidade a que se outorgue a concesión e expedición da licenza, ou a quen no seu favor se autorice a transmisión de dita licenza.
- 2.— O titular da licenza de que o seu vehículo sexa substituído ou obxecto de revisión, tanto ordinaria como extraordinaria.